


T.9117/4344K(48)

南園詩選

上冊



南園詩選

序

詩不成于人而成于其人之天其人之天有詩說口能
吟其人之天無詩雖吟而不如其無吟同一石獨取泗
濱之磬同一銅獨取商山之鐘無他其物之天殊也舜
之庭獨臯陶賡歌孔之門獨子夏子貢可與言詩無他
其人之天殊也劉賓客亦云天之所與有物來相彼由
學而至者如工人染夏以視羽畎有生死之殊矣何子
南園生而與詩俱來者也雖爲秀才不喜制藝雖讀書
不矜博覽雖爲詩不事馳騁其志約故邊幅易周其思
專故性情易得居秣陵城闈愔愔然竹籬堊垣與方外
人遊憇薄醉微慵雨餘風停有愜于懷一付于詩久之



而何子與詩亦兩相忘也予往往見人之先天無詩而
人之後天有詩于是以門戶判詩以書籍炫詩以疊韻
次韻險韻敷衍其詩而詩道日亡然則吾安得忘詩之
人而與之言詩哉若何子者斯其人矣乾隆戊戌九月
袁枚序

後序

金陵有二詩人一爲陳古漁一爲何南園陳詩矯健何
詩清婉三十年來過從甚歡今年俱委化去余盡然心
傷爲梓其詩以存之因陳詩雖多已有詩槩一集行世
其子能讀父書事可有待而何則名未出於一鄉家又
式微予聞病卽往搜其詩得稿若干選成兩卷或疑所
存太少荅之曰古陶謝諸公名垂千秋詩存無幾禮有
以少爲貴者詩亦宜然或嫌何詩境太薄又荅之曰以
一物而論劍臘貴厚劍鋒貴薄以兩物而論裘貴厚鮫
綃貴薄詩之佳否不在厚與薄也惟是予所悒悒者十
年前許代鐫其詩故爲作序蹉跎至今今雖終踐此言

而不及使其生前一見爲可悲也且校其稿與予平素抄存者尚缺二三則易簣時所搜羅慮其美猶未盡也然則人之自存其詩與存人之詩者可不汲汲然顧影而爲之哉南園名士顒江寧諸生卒年六十有二其生平梗槩已悉前序中

乾隆五十二年三月隨園老人袁枚再書

南園詩選目錄

第一卷

古今體詩九十二首

第二卷

古今體詩一百二十一首

南園詩選卷一

金陵何士顒南園著

田家雜興

春雨土膏融東風吹已暖力畊無曠土種蔬到町疇往
視麥草盛青青不遑緩春社簫鼓喧前邨人影滿歡然
具酒食笑語見恹欸黽勉事田疇相規勿疎嬾
打麥聲乍停插秧歌欲起桔槔人力勞日日望雨水沛
然決天河四澤波瀾瀾夏畦何足病懷新視苗喜牛飯
松陰中人話豆棚裏風來稻花香笑向水田指
今年慶西成室家歡果腹殷勤採木棉蚤備禦寒服娶
婦就閭里酒漿邀親族禮數祇粗完相與尚簡樸幼兒

教識字差免笑鄙俗琅琅書聲來東鄰秋有塾

嚴霜實百草山瘦溪水清紅葉雜白雲愛茲初冬晴條

忽北風緊作雪飛瓊英地爐紅榾柮屋春已生老幼

擁團團開甕壺觴傾租賦兒已完叩門何所驚歡迎隣

父來泥飲到三更

苦旱

炎蒸六月氣難降癡望無多乞彼蒼但得碧空雲暫掩

不為霖雨也生涼

眼離書卷為誰青有得還題筆未停何處鳴蟬清似水

不妨權當雨聲聽

蕭然短榻北窓間觸熱何人一叩關也笑不平天上事

炎官忙甚雨師閒

書感竝柬同社諸子

衣短驚身長看孫喜又愁分甘不自飫失學竟誰尤暑時

甚余頗寬其讀書之課蘭蕊雙枝秀書香一綫留興宗期異日爭

奈雪盈頭

良友晨星影彌傷後死翁入林深處好把臂幾人同大

雅浮塵外千秋落筆中晚香佳日近欣賞桂花藜去秋荔屏

謝世近日南陔亦病危不起故第二句及之

越王

臥薪嘗膽廿年中報怨全憑越女功謀縱有成輸一著

事人以色豈英雄

項羽

忍辱從來事可成英雄蓋世枉傷神但知父老羞重見
不記淮陰胯下人

隨園賞荷

消受荷風畫閣涼宦情久付水雲鄉平欄韻好花才放
問字人來語亦香紅粉映波如對鏡碧筒傳客當飛觴
芳筵高會歡無極靜領清芬到夕陽

溪行

雨後愛溪行水石漱苔冷落葉點清波驚散遊魚影
我來身適閒且喜塵事屏疎鐘烟外飄寒綠萬山靜

呈簡齋夫子

名士爲官去就輕漫論花縣與蓬瀛退如元亮偏能早
達似莊生恰有情渡水雲來溪鳥靜彈琴風過竹樓清
觀書五十同年少猶自燈前擁百城

秋夕同古漁過雙柏山堂

佳日訪良朋相攜入古寺暝色含烟蘿殘陽駐山翠齋
厨供晚餐僧喜客齊至禪房正剖瓜分甘與同嗜歡然
果腹餘談咲遺世事坐久葛衣單颯颯涼颼吹

秋花滿庭除唧唧暗蟲語茶烟竹徑縈活火松枝煮數
甌滌煩雜將歸意容與疎鐘隔院撞聲聲不停杵山門
寂無人餘霞墮溪渚

酒孃

玉乳光浮出甕聲温存名字舉杯稱婦人醇酒今兼得
山館居然學信陵

歸家作

秋堦花放豈嫌遲歸到家園事事宜投轄每多留飲處
看山大半倚樓時悠揚鳥送忘愁語剝啄僧催許和詩
簾卷晚涼清興劇繩牀隨月自頻移

秋日閒居

雨後眾峰綠籬邊一徑斜畦流瓜蔓水風裊豆棚花自
得幽人趣居然老圃家食貧語妻子隨分度年華
午睡書爲枕羲皇夢屢交庭多幽鳥下門少俗人敲密
竹分隣蔭新詩托友抄簷端放飛蝶解網去蠶蛸

自述

不諱行藏處知余拙是真月遲防睡早詩富補家貧有
癖難諧世多情易累身朝來羞對鏡髮白未衰人

至日

天上陽回曙色嘉晴窓鳥語向人譁詩歌遣興中年感
節物驚心兩鬢華愛日但祈親健飯忍貧常憶婦持家
山園緩步探春信霜氣一林梅孕花

閒咏

南窓日暖愛冬晴客邸翛然步履輕詩爲屢更多副本
酒緣縱飲得狂名雲移樹杪看無定雁叫天心聽倍清
世味年來嘗已慣展禽和處最關情

歲暮雜詩

裘到蒙戎亦自溫著來爛漫稱閒身劍藏匣久恩讐少
山愛冬晴面目真雅有圖書娛獨坐從來風雅讓前人
漆園齊物何須說朝菌靈椿各有因

早夏山行雜咏

輕陰山郭午涼氣麥天秋佳侶一相集真成物外遊雲
容閒度水柳色密遮樓花放無名草香縈綠逕幽
春去杳無迹千章綠樹滋濃陰疑礙鳥新笋競穿籬籜
響無風解苔深步履宐卜居思結社誰寄草堂費

初秋同古漁北遊

晴山遠望辨峻嶒碧盡遙天爽氣澄臨水却憐漁舍好

夕陽柳外晒魚罾

初寒

鎮日傭書小僕隨寒衣未製晚秋時西風一例人間到
惟有貧家最早知

病足

杜門病足無塵事小室疎簾到地垂不出更添身嬾慢
未衰先借杖扶持靜窺煮藥將殘火閒續經年未了詩
坐久蹒跚階畔立豆棚風過月來時

霪雨

三伏涼如此緣慳紈扇愁才雲天便雨未暑氣先秋苔
色虛堂滿蝸涎短榻浮臨流思利涉何處覓仙舟

齋中題壁

破寂禽聲到座旁，偶齊散帙案生光。
緼袍漸重知春暖，書課頻添覺晝長。
投俗詩刪寒瘦句，沁神花愛有無香。
清歡須信閒方得好，護蘭芽怕展妨。

秦淮泛舟

千古秦淮水，招人泛彩航。
山爭雲外紫，波漲雨餘黃。
九曲尋谿遠，千條覆柳長。
薰風開畫閣，珠箔隱新妝。
笑買朱櫻破，衫裁白雪香。
纏頭輕蜀錦，製曲贈王郎。
騷雅名流擅，烟花落日忙。
繫絃喧左右，流水奏宮商。
六代餘風景，東關上月光。
篷推人照影，風起袂生涼。
添酒重開宴，分題喜欲狂。
燈船高伐鼓，綺席競飛觴。
相逐頻移棹，爭先各據艙。
燭龍深夜媚，火樹萬枝芳。
倒轉銀河影，驚飛彩電芒。
觀燈疑入市，行樂喜逢場。
舉目成狂國，無人不醉鄉。
臨流誰弔古，覽勝獨回腸。
渡口潮聲咽，祠邊樹影荒。
據牀忘主客，復社感滄桑。
事去心偏戀，情深夢轉傷。
芳踪追大雅，佳句付奚囊。
欲把焦琴理，還同舊雨商。
漏深歸思切，漁笛尚悠揚。

病起

病起風光乍覺新，蕭然閒煞閉門身。
兒扶看竹供行藥，母戒觀書怕損神。
蒼荀壓枝明似雪，蓬蒿滿徑碧無塵。
山禽久住如相識，語向檐前憫主人。

鄉試後杜鐵夫張熙亭胡靜夫俞越橋過艸堂小

南園詩選 卷一
集分得南字

空谷楚然喜盍簪奕棋聲裏雜清談
誅茆三徑竹陰合
留客一庭花影酣共擬出羣空冀北
漫思招隱學淮南
眼前珍重秋光好酒貫隣家綠滿甌

秋陰

曉窓光暗濕雲攢病後衣裳著體寬
落葉天如貧境淡
遣懷詩帶雨聲寒菊知節近花含笑
主愛談深客盡歡
偶過溪邊看釣侶烟波閒處下魚竿

贈蔡芷衫

矯矯野雀飛遠入烟霄路偶落古長干
適與閒雲遇同
爲塵外姿相將樂依附卓哉吾芷衫
一見成良晤論懷

水乳投高言撥雲霧更示囊中詩字字珠璣吐古意陶
天真元音接韶濩朱絃久不聞傾耳有餘慕

重陽酬令節招我來書堂聞多佳侶至會如龍山良奈
何風雨作星辰天各方我居南郊側容易親君旁兩人
歡對酌一笑賓主忘無言比菊淡高咏成詩狂淹留曠
色深繼以燈燭光顧影醉忽醒各驚頭上霜

賦得二月二日江上行次楚筠韻

遙峰低貼水痕青妙景天然入畫屏
碧艸岸低迷蛺蝶
綠蘋風動起蜻蜓

懷方碧濤

綠雲山館靜花落憶君時燕語青春老鶯啼白晝遲獨

教閒倚竹誰與細論詩水國伊人遠臨風有所思

九日

鯉魚風起菊初英節屆吹花景倍清帶雨摘蔬貧有味
登樓扶病杖多情時余腰痛未痊蛩吟衰草悲秋老雲度寒塘
隔樹明顧影不勝中歲感蕭蕭白髮向愁生

冬夜

窗外風微落葉輕霜華冷映月華明那堪未製寒衣客
坐聽鄰家刀尺聲

冬夜有懷

村巷夜逾寂閉門風冷然酒醒幽夢後愁破苦吟邊落
葉雨喧地明星霜滿天懷人不可見翠竹影娟娟

早春山行同古漁作

薄暮輕寒不著人吹衣風軟適閒身夕陽半嶺一天碧
雲外月痕如粉新

同芬亭看桃花作

香霧初濃境易迷風枝裊裊拂人低幽禽似說春光好
飛入綠楊相對啼

寄白門諸同志

王粲樓頭發浩歌千秋知己羨常何他鄉送雁羈愁起
近事如棋變局多春滿園中偏冷淡興來花下獨婆娑
故人若問行踪好爲報新添兩鬢皤

春社歌

南園詩選 卷一
土膏已動東風暖荷鋤未許農夫嬾誰家土鼓鬧前村
笑語喧闐人影滿社翁今日雨何神雞豚敬進壺漿陳
紛紛婦子拜且告但願雨水田疇勻默默鑒我三時苦
早得西成賽田祖公稅無差門戶清追呼莫被胥徒侮
祭畢割肉分同儔隣翁集飲情綢繆歡然醉飽各歸去
夕陽桑柘鳴春鳩

山中早夏

美酒新開綠玉缸醉中豪思未全降花留剩蘂顏終淡
蝶抱餘香影自雙讓路竹間防踐筍納雲檐際喜開窗
猶思飽喫鱗魚美結伴聯吟渡曉江

謂甲子年同人采石之遊

燈下閱楚筠手書不勝人琴之感

燈下理散帙忽見故人書書自廣陵來憶我南村居今
我居已遷學種山園蔬叩門無君至酒杯長空虛每思
促膝候月照兩人裾今夕月還來孤影唯愁余呼君君
不聞夜臺月何如

錦峰以秦淮泛舟詩見示走筆和之次第仙雨中
過草堂留飲韵

仙侶同舟意頗關新愁都爲誦詩刪翠拖篷背烟濃柳
綠印潮頭雨霽山文酒未陪名士會水雲空憶野鷗閒
扣舷歌罷聞漁唱贏得良宵載月還

過隨園晤主人不值

過訪先生偏早出名園小憇俗心降鶴迎籬逕頻來客

雲護山堂半掩窓好句繫懷人對菊過蔣侍御寓齋見先生普陀菴看菊
詩 誰家行樂酒盈缸微吟池上徘徊久靜愛苔痕印屐

雙

霧

霧漲谿山海市成有無林鳥只聞聲境從水墨圖中得
人在鴻荒世上行釀雪也知天意苦侵衣惟襯酒痕明
出門爲踐臨池約擬作雲烟筆底生時彭迪菴約寫屏障

漫興

獨飲醉誰責高歌晝掩門才從貧境老狂覺酒人尊山
樹得春早雪窓無夕昏悠悠看末俗蠻觸不堪論

冬日遣興

檢點行藏總遜人頻年常愧守株身時艱夢亦無佳境
冬暖梅先報好春漫說陶潛曾乞食須知原憲自安貧
出遊最愛無人處山瘦谿寒面目真

識路其如伏櫪何半生志業竟消磨霜筠有節終留翠
野鳥無愁自解歌書任風翻驅蠹盡詩煩人和得師多
杖頭蕭瑟猶酣飲賒酒隣家許數過

歲暮遣興

節序驚心歲欲闌長貧事益嘆時難櫪中老驥隨羣嬾
澗底孤松降格看好月未來先捲幔歸鴉閒數獨憑欄
閉門儘有逍遙意一卷南華硯席攤

送蔣用庵御史歸常州

識韓便許親風雅忽聽驪歌暗愴神問字諦從名論得
憐才心到古人真烟開遠浦寒江淨雪霽羣峰曉日新
歸舫毘陵好風景梅花香滿故園春

曝背

裘敝毛稀等萼看春生雪後臘將殘茆簷曝背晴光好
畢竟天憐范叔寒

贈見上人

卜築隣初地招呼隔圃聞鳥聲千樹合山色兩家分却
妄逃禪好尋幽叩戶勤僧賢寬酒戒蓮社每同醺

惠應寺前閒步得寺字

松聲遠已聞入林纔見寺與客行且吟俯仰各如意
後亂泉流暗浸古苔地香飄野草花無名亦自媚羨彼
鳥呼羣翛然遺世事嵐氣透衣涼滿身落空翠

隱仙菴訪鶴雛道士

十年不到青城宅今日重來兩鬢絲山色戀人如舊友
墨痕留壁盡新詩琴常在匣知音少雲不隨風出岫遲
久坐松窓愛岑寂夕陽移在最高枝

幽居送春

當窗竹樹數叢稠白下禪居此最幽春老綠從香界入
花殘紅借夕陽留泉因觸石常能響鳥忽忘言亦自愁
爲餞東皇心歷亂一聲清磬碧山頭

花朝閒咏

夜雨微過階艸生幽禽時送隔窓聲春多酒債稀逢醒
節說花朝便有情梅點亂飄荒徑冷柳絲低舞晚風輕
最憐倚杖柴門外晝裏雲山面面迎

過隨園呈存齋先生

幽邃園林背俗喧四山環護作崇垣名高閉戶人逾遠
才大辭官道益尊紅染曲池花覆岸綠侵虛幌樹當軒
到來仙境塵心淨况復春風晤笑言

鄴架藏書擁百城鳴琴吟席古懽生玻璃窗寫穠華影
楊柳風調乳燕聲人與蝶迷香徑午天隨雲淨遠峰晴
真成大隱幽棲地盤谷從來浪得名

喜晴

積雨初晴草色齊郊園日暖鳥爭啼殘花風過紅辭樹
新水萍生綠滿溪歸雁路寬雲影淨小樓窓暗柳烟迷
登山縱目斜陽外碧盡遙天片月低

除夕

閉戶徒深卒歲情竹窓風過響淒清身非無用貧偏暇
事到難圖念轉平瓶裏梅花春早動樽前燈火夜深明
承懽最好團團處同聽庭闈笑語聲

春寒

飴簫聲隔隴村塢尚餘寒流細水初活花遲春轉寬嬌
鶯猶戀谷早韭乍登盤不信陽和景惟將冷眼看

陶吳道中口號

清園詩選 卷一
林臯如沐雨初晴畫裏春光拂面迎綠野有情皆麥秀
亂流無處不溪鳴邨邊風定炊烟直天際雲空鳥翼輕
好語肩輿行緩緩看山尤愛夕陽明

楊花

葉底花藏幾萬枝濃陰常愛雨晴時東風與爾多情甚
不是吹來那得知
幾陣爭飛出樹頭低回空際影悠悠勸君莫作楊花看
盡是春歸萬點愁

移居

短籬門徑綠苔紋新卜茆堂遠俗氛棲鳳多留栽竹地
作霖常看出山雲身因在野爰爲圃名未能逃敢廢文

紫燕有情如訪舊蘆簾開處往來勤

十載三遷少定棲眼前蔗境覺情移當窗花木琴書潤
拂几雲烟筆硯知酒蕢鄰家留客便詩吟夜月下樓遲
放懷作達吾徒事莫管蕭蕭兩鬢絲

送春

無情飛絮落書筵客邸春歸又一年午枕夢深知晝永
寒氈吹暖憶君賢采禾野聽呼名鳥潑黛山看反照天
惆悵韶華難買住閒堦空自散榆錢

積雨初晴風日和堂堂欲去奈春何花餘倦態誰青眼
水帶離聲自綠波拂帽柳絲隨鬢短連天草色似愁多
只今無數陽關疊付與黃鸝盡興歌

懷寶然

今年作客住烟霞下榻山齋逸興賒積雨綠催遲出草
晚晴紅綻後開花人閒易觸離羣感地僻何妨任鳥譁
遙憶書窓千个竹伴君長日讀南華

村夜

姑惡曉曉舌欲枯天垂星彩接平蕪田通溪水秋先熟
村有書聲俗不愚穿竹疎螢光自照窺人明月影同孤
露涼貪得今宵睡不問家山米似珠

漫興

霜天雁影入雲遙清響山窓落葉敲問病無名人中酒
栽花有意徑誅茆書因補讀隨時展詩爲留剛盡數抄

壯志未酬身世事幾回愁絕夢難拋

懷錦峰約齋時二君將應 召試

寓齋官舍自成隣幽徑無塵草似茵高會共輕來往路
聯吟各吐筆花春日烘深柳催鶯轉雲遊遙天讓月新
珍重此時好晴景綠樽開處笑言親

同人集聽潮菴兼贈海月上人

虛堂人對佛無言靜極深林鳥不喧江近浪高疑到檻
颿多影過欲遮門松風入牖琴鳴壁山色留人酒滿樽
重約來分雲半榻好同揮塵月中論

初冬口號

寒風吹雨濕簾鈎鏡裏中年笑白頭莫喚山童掃黃葉

借渠留住一庭秋

飲友人家歸而作詩竟不知醉語之無賴也

生無飲酒福飲特存其名殷勤良友招入門倒屣迎忍
作向隅客歡然生豪情芳醞出家藏未飲心先傾况復
勸者切寧辭尊中盈忘却飲河鼠竟作吞川鯨座有靈
均侶醒眼觀我驚既醉帶月返愛此溪邊行地白人影
小天淨霜華清四顧羣動息醉鄉誰來爭那管玉山頽
但樂今宵醒

冬夜芷衫子雲集艸堂同詠寒月

客散窓忽明寒月上東嶺天高雲無依風來夜清警
人語響空山萬籟覺逾靜把臂繞樹行添作梅花影

陶淵明北窓高臥圖

炎蒸滿寰區何處覓清曠誰家無北窓臥者少佳况披
圖見斯人高風千載上一榻伴雲眠寤歌恣偃仰有夢
亦偶然既醒復自忘諦視淡無言桐花滿庭放

枕上吟

酒醒夢亦醒殘月西窓明薄帷透素彩照我鬚眉清時
有落葉響而無寒蛩聲霜鐘動遠寺迢迢枕端鳴澹然
見真我心如止水平轉愁紅日出又使俗念生

寫家書畢漫成五十六字

一紙家書感萬端天涯遊子興真闌每因疾病愁鄉遠
強說平安下筆難垂老馬經長路憊倦飛鷗憶舊溪寬

歸與祇覺貧居好儘有茆堂菽水歡

還家

半載還家似隔生家人慰問喜還驚病纏未去雄心盡
身健無端老態成愛淨自齊書帙亂倦遊常戀水窓清
不堪回首風塵苦始悔閒雲出岫輕

閒詠

一雨消殘暑蛩吟近戶幽風威如赴約貧境不宐秋謀
食嗟荒歲逢花愧白頭強將心地靜百感付河流

秋夜同性空上人至清涼寺方丈止宿

出門殘月高虛白亂山路山僧導我行衣冷濕清露佳
景秋夜中舉足不妨悞轉瞬到花宮投宿成小住虛廊

茶烟縈散作竹間霧感茲欸洽情淹留快良晤燈前索
新詩愛誦湯休句解和有寒蛩四壁作幽語一榻和雲
眠落葉秋滿樹

偶題

三月春晴景更增身閒鎮日水窓憑花難買笑皆貧累
老尚多情或壽徵午夢偶成書作枕清吟相和鳥爲朋
自憐迂拙人常恕祇愧逢時技未能

熊魚取舍總難論雲水胷懷只自捫詩草落花香入韻
池波垂柳綠添痕閒愁蚤釋非關酒舊學猶温爲課孫
天意怕人遲暮感已將新月破黃昏

自題小照

南園詩選 卷一
人間行路難托身圖畫裏鬚眉愛自看我有我在耳

樹底

樹底樽開鳥語譁殘紅幾片點流霞要留春在心頭過
一口和香吸落花

閒居雜咏


水閣無炎暑涼颺入座佳病消清夜夢貧稱太常齋解
網心憐蝶忘機鳥下堦吾生隨分好造物有安排

十月十四日夜卽景

披衣閒倚小闌干吟到三更漏漸殘如此霜天如此月
不容詩思不清寒

涉世吾生信有涯挑燈深坐讀南華未知晚節終何似

笑問一瓶黃菊花



國語選

卷一



